



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Quædam per eum sanitatum beneficia impetrata.

urn:nbn:de:hbz:466:1-41515

Quadam per
eum sanctus
beneficium im-
petratus.

benignitatis venerandas famuli sui reliquias honorantis. Ad exequias pia Matrona accesserat morbo comitiali obnoxia, sperans sacri corporis actu, Beatæ animæ precibus valetudinem sibi reddendam: quæ ubi quantum licuit, coram sacro corpore orans, adstitit, eodem iam condito occultavit se, & includi passa est, cum Templi fores occluderentur. Inde totam noctem ad beati viri sepulchrum vigil perseveravit, per eius merita, & patrocinium valetudinem rogans. Nec deinceps vnquam eo malo tentata est. Ita primo statim die, quo terræ mandatum est famuli Dei corpus, tanquam generosum semē in salutem mortalium cœpit admirandis beneficiis reflorescere: ut agnosceres vigere, ac pollere animum: nec pristinam siue voluntatem elanguisse, siue defecisse facultatem benignè faciendi. Non multi ab sepultura intercesserant dies cum aliæ, atq; aliæ extitere fruges.

Christophorus Reiffius senatorio ex ordine prolapsus ex equo, multis inde incommodis sextum iam mensem grauiter conflictabatur: interdum acribus adeo torquebatur doloribus, totos ut decumberet dies: aliàs vero, si quid negotij ad-
mini-

ministraret, ægrè animam ducere, ac reciprocare
 posset. Medicamenta quæcunq; tentaret, omnia
 cadebant in irritum. Quam ob rem vicem viri
 dolens Barbara Misselonia vxor, veritaq; ne tan-
 dem offensis intestinis partibus ad periculosas
 veniendum sectiones esset, cum sibi Canisium
 protinus ab excessu patronum in cælo cooptaf-
 set, ad eius tumulum adit. Hic prouoluta in ge-
 nua multum ipsum rogat patronum, vt apud
 Deum commendatam viri valetudinem habeat,
 perq; patrocinium eiusdem ac merita ipsum ob-
 testatur Deum, opem vt ægro ferat. Ab precibus
 domum recta contendit. Reuertentem lætus, &
 gratulabundus vir excipit, iam sedatos dolores:
 iam expeditam respirandi viam, iam se penitus
 valere. Nihil dubitauit prudens femina benigni-
 tate id euenisse Patroni sui Canisij, vt prorsus tem-
 pore eodem, dum ipsa vota faceret, vir conualef-
 ceret. Ac deinde rem omnem coram testibus a-
 pud Veronium eo tempore & Præpositum Fri-
 burgensem, & Vicarium generalem in Diocesi
 tota Lausanensi sancte, riteq; affirmavit.

Alterum iam diem honesta Matrona difficul-
 tate partus laborabat magno salutis suæ, magno

Rosarium Canisij salubre parturientibus.

Ee 2

prolis